

CONVOCATORIA EXTRAORDINARIA PARA O PROFESORADO DA UDC PARA FORMAR PARTE DOS COMITÉS DE AVALIACIÓN DOCENTE (PROGRAMA DOCENTIA)

A Universidade da Coruña publica a convocatoria extraordinaria para seleccionar os membros do profesorado que formarán parte dos Comités de Avaliación Docente (CAD) do Programa Docentia da UDC para a avaliar ao profesorado que solicitou participar na X convocatoria.

PRAZAS QUE SE CONVOCAN

- 4 prazas para o CAD da rama de Ciencias
- 3 prazas para o CAD da Rama de Ciencias Sociais e Xurídicas
- 2 prazas para o CAD da Rama de Enxeñaría e Arquitectura

FUNCIÓNS E RESPONSABILIDADES DOS COMITÉS DE AVALIACIÓN DOCENTE (CAD)

- a) Valorar o conxunto das actividades docentes que realiza cada profesor/a baseándose na información recollida mediante os métodos e técnicas especificados no procedemento de avaliación.
- b) Realizar un informe individual sobre a actividade docente de cada profesor/a. Este informe necesariamente deberá incluír accións de mellora (actividades de formación, innovación, cumprimento de obxectivos concretos etc.) para o profesorado avaliado, agás no caso de que a valoración sexa de Desempeño Excelente.
- c) Asistir á reunión de consenso en que se elaborará o informe do CAD de cada profesor/a avaliado/a e se consensúan as accións de mellora que estes deben levar a cabo.
- d) Velar pola transparencia e o rigor do proceso, así como pola confidencialidade dos datos.
- e) Propoñerlle ao profesorado que obteña unha avaliación condicionada o plan de mellora que debe executar.
- f) Analizar e valorar as evidencias sobre a execución do plan de mellora que presente o profesorado que obtivo a valoración de avaliación condicionada.
- g) Emitir e enviarlle á CIU un informe motivado e consensuado por todos os membros do CAD sobre as reclamacións presentadas polo profesorado relativas aos resultados da avaliación da súa docencia.
- h) Propoñer melloras ao manual e ao procedemento de avaliación, a través da enquisa de satisfacción e das actas que xeran o rematar o proceso de avaliación.

FORMALIZACIÓN DAS SOLICITUDES

O profesorado interesado debe presentar a solicitude de participación na sede electrónica da UDC, dirixida ao Sr. Reitor da UDC, desde o **22 ao 29 de setembro de 2021**.

REQUISITOS DE SELECCIÓN

- Ser profesor/a permanente da UDC con, polo menos, 3 quinquenios de antigüidade.
- Ter sido avaliado/a satisfactoriamente mediante o Programa Docentia. Terá prioridade o profesorado que tivese acadado unha valoración máis alta e o que teña actualizada a súa avaliación docente a través do devandito Programa.
- Non ter formado parte dos CAD do Programa Docentia en máis de dúas convocatorias, agás que teñan transcorrido 6 anos desde a súa participación.
- Non estar desempeñando o cargo de decano/a ou director/a dun centro ou director/a dun departamento da UDC.

INCOMPATIBILIDADES

En aplicación do disposto no artigo 23.2.a) da Lei 40/2015, do 1 de outubro, de réxime xurídico do sector público, o profesorado que sexa avaliador/a ao presentar a súa solicitude para ser avaliado/a entenderase que renuncia á súa condición de avaliador/a. Así mesmo, un/unha profesor/a só poderá ser membro dun CAD.

COMISIÓN DE SELECCIÓN

A selección do profesorado para formar parte dos CAD será realizada pola Comisión Interna da Universidade (CIU) constituída por:

Presidente: Vicerreitora de Planificación Académica e Innovación Docente

Secretaria: Técnica da Unidade Técnica de Calidade (UTC) (que actuará con voz pero sen voto)

Vogais:

- Vicerreitor de Profesorado e Planificación Docente
- Directora da UTC
- Coordinadora da Comisión de Formación e Asesoramento
- Técnico responsable da avaliación docente no Servizo de Informática e Comunicacions
- Cinco docentes:
 - o 1 da rama de Artes e Humanidades
 - o 1 da rama de Ciencias da Saúde
 - o 1 da rama de Ciencias
 - o 1 da rama de Ciencias Sociais e Xurídicas
 - o 1 da rama de Enxeñaría e Arquitectura
- Dous estudantes:
- Un representante sindical do PDI

A relación de persoas que compoñen a dita Comisión pódese atopar na páxina web da UTC ou premendo [aquí](#).

PROCEDEMENTO DE SELECCIÓN

A CIU seleccionará os membros do profesorado dos CAD da UDC aplicando os requisitos sinalados anteriormente. Ademais, terá en conta que nos CAD figuren avaliadores/as de diferentes áreas de coñecemento, buscará o equilibrio de xénero na súa composición e a presenza de membros que representen ás distintas categorías de profesorado.

FASES DO PROCESO DE SELECCIÓN

1. As persoas interesadas presentarán as súas solicitudes segundo o establecido no punto relativo á formalización de solicitudes, onde mencionarán os seus datos en relación cos requisitos de selección expostos nesta convocatoria.
2. A CIU seleccionará os membros dos CAD segundo o procedemento de selección establecido anteriormente.
3. Antes do 14 de outubro de 2021, a CIU publicará, no Taboleiro Electrónico Oficial (TEO) e na páxina web da UTC a resolución provisional de persoas que foron admitidas e excluídas coa causa de exclusión por rama de coñecemento.

En caso de desconformidade coa resolución, o profesorado dispón de 5 días hábiles para presentar unha reclamación perante a CIU, que contan a partir do día seguinte da publicación da resolución provisional.

4. A CIU atenderá as reclamacións que se presentaron e publicará, no TEO e na páxina web da UTC, a resolución definitiva por rama de coñecemento e ordenada por titulares e suplentes.
5. A CIU remitiralle ao reitor da universidade a resolución definitiva para que proceda a nomear as persoas titulares. As suplentes poderán ser nomeadas para cubrir baixas ou incrementar o número de vogais dos CAD en función do número de profesorado que se avalíe.

CONSECUENCIAS DA PARTICIPACIÓN NOS COMITÉS DE AVALIACIÓN DOCENTE

Os membros dos CAD serán retribuídos de acordo cos criterios acordados entre a ACSUG e a UDC.

INFORMACIÓN SOBRE O PROGRAMA DOCENTIA

As persoas interesadas poden solicitar información por correo electrónico no enderezo docentia@udc.es ou nas extensións telefónicas 1052 e 1069.

O documento íntegro do Programa Docentia está publicado na páxina web da UTC ([acceso directo](#))

A Coruña, 17 de setembro de 2021

A presidenta da CIU



UNIVERSIDADE DA CORUÑA

SOLICITUDE PARA O PROFESORADO DA UDC PARA FORMAR PARTE DOS COMITÉS DE AVALIACIÓN DOCENTE (PROGRAMA DOCENTIA)

APELIDOS E NOME

NIF

CATEGORÍA/CORPO

CENTRO

DEPARTAMENTO

ÁREA DE COÑECEMENTO

CORREO ELECTRÓNICO

RAMA DO COMITÉ DE AVALIACIÓN DOCENTE EN QUE SOLICITA PARTICIPAR

☐

CIENCIAS

☐

CIENCIAS SOCIAIS E XURÍDICAS

☐

ENXEÑARÍA E ARQUITECTURA

ANOS DE ANTIGÜIDADE NA UNIVERSIDADE (QUINQUENIOS RECOÑECIDOS):

FOI AVALIADO MEDIANTE O PROGRAMA DOCENTIA?

EN CASO POSITIVO, INDIQUE O QUINQUENIO:

QUE RESULTADO ACADOU?

EXPERIENCIA EN ACTIVIDADES DE AVALIACIÓN E DE XESTIÓN (Achegue a documentación a esta solicitude)

SOLICITA

Participar como membro nos Comités de Avaliación Docente (Programa Docentia), de acordo cos criterios e o procedemento establecido nesta convocatoria extraordinaria e na edición vixente do Manual para a avaliación da actividade docente do profesorado da UDC.

.....,dede

Asdo.:

**SRA VICERREITORA DE PLANIFICACIÓN ACADÉMICA E INNOVACIÓN DOCENTE
PRESIDENTA DA CIU**